

www.BibleForChildren.org

မာထဲ ၁




ဧလိရူဗက်မာ ကိုယ်ဝန်တည်ရှိ၊ ခြောက်လတက်တေခါ
ထာဝရဘုရားစာ ဂါလိလဲပြည်နယ် နာဇရက်မြို့သို့
မာရိနာမည်နဲ့ အပျိုမတစ်ယောက်တို့ ဂေါင်းခင်နတ်သား
ဂါဗြေလကို ရွတ်လိုက်လီရေ။ မာရိစာ ဒါဝိဒ်မင်း၏

အမျိုးအနွယ်သား ယောသပ်န
အိမ်ထောင်နိဗ္ဗိစကား ဟိကတ်လီရေ။




ဂေါင်းခင်နတ်သားစာ ပြောလီရေ၊ “မာရီ၊
နင် မကြောက်ကေ့၊ အကြောင်းကား
နင်စာ ထာဝရဘုရား၏
သနားကြင်နာခြင်းကို ခံရဗျာ။
နားထောင်၊ နင့်မာ ကိုယ်ဝန်တည်ရို့၊
သားယောက်ျား တစ်ယောက်
မွီးဖွားလိမည်။ နင် ထိုသားကို
ယေရှု ဟို့ နာမည် မှည့်လီ။

သူစာ
ကြီးမြတ်သူတစ်ပါး ဖြစ်လိမည်။”



“သူ့စာ မြင့်မြတ်စာ ထာဝရဘုရား၏
သားတော် ဟို့ အခေါ် ခံရလိမည်။
သူ့အဖိုးအဖိုးအစိုင်းလာ ဒါဝိဒ်မင်း၏
ပလ္လင်ကို အသျှင်ထာဝရဘုရား
သူ့ကို အပ်ပီးလိမည်။ သူ့စာ
ယာကုပ်၏ အမျိုးအနွယ်သားရို့ကို
ကမ္ဘာအဆက်ဆက် မင်းအဖြစ်
အုပ်ချုပ်လိမည်။ အရာ သူ၏

နိုင်ငံတော်စာ တစ်ခါလည်း
ဆုံးလိမည် မဟုတ်။”



ယင်းခါ မာရိစာ ဂေါင်းခင်နတ်သားကို
ပြောလီရေ၊ “ဇာပိုင် ဖြစ်နိုင်ပါဖို့လည်း?
အကျွန်ကား ဒေဂုပင် အိမ်ထောင်
မနီပါသိ!” အရာ မြင့်မြတ်စာ
ထာဝရဘုရား၏ တန်ခိုးစာ
နှင့်ကို ချုပ်ထားလိမည်။



ဂေါင်းခင်နတ်သားစာ ပြောလီရေ၊

“သန့်ရှင်းသောဝိညာဉ်တော်စာ

နှင့်ဘားမာ ကျရောက်လိမည်

ယင်းအတွက်န မွီးဖွားလာဖို့စာ

သန့်ရှင်းစာ သားတော်စာ

ထာဝရဘုရား၏

သားတော် ဟို့

အခေါ်ခံရလိမည်။”



ယင်းနောက် မာရိစာ ယုဒပြည်နယ်ထဲမှာ
တောင်တန်းနယ်မှာဟိစာ ရွာတစ်ရွာတို့
အယင်အမြန် လားခလီရေ။
အရာ သူစာ ဇာခရိအိမ်တို့
ဝင်ရို့ ဧလိရုဗက်ကို
နှုတ်ဆက်လီရေ။



လေိရူပက်စာ မာရိ စကားကို ကြားရေခါ
သူ့အဝမ်းမာဟိစာ အသေ့စာ ခုန်လီရေ။



သူစာ သန့်ရှင်းသောဝိညာဉ်တော်နု ပြည့်စုံရို့။

အားနု ပြောလီရေ၊ “နင် ဟိသမ္မု

မိန်းမရို့ထက် မင်္ဂလာ ဟိရေ

အရာ နင့်မာ မွီးဖွားဖို့စာ

သားလည်း မင်္ဂလာ

ဟိရေ။”



ယေရှုခရစ်တော်စာ ဒေပိုင်
မိုးဖွားလာလီရေ။ ယေရှုမာ အမိ
မာရီစာ ယောသပ်နု နစပ်ဖို့စကား
ဟိကတ်လီရေ၊
ယေကောလည်း သူရို့၊
အတူမနီခင်အယင်က
သန့်ရှင်းသောဝိညာဉ်တော်၏
တန်ခိုးနု မာရီမာ
ကိုယ်ဝန်တည်လီရေ။



မာရိမာ လင်ယောသပ်စာ
သူတော်ကောင်း တစ်ယောက်
ဟိလီရေ။ သူစာ မာရိကို လူရို
ရိုက အရှက်ချဖို့
မလိုရေအတွက်န
အထဲမာအထဲ
ခွဲဘိုက်လိုက်ဖို့
ကြည့်လီရေ။



ယေကောလည်း ယောသပ် ယင်းပိုင် စဉ်းစားရုံ နီလီရေခါ
အသျှင်၏ ဂေါင်းခင်နတ်သားတစ်ပါးစာ လာရုံ
သူ့ကို အိပ်မက် ပီးလီရေ။



ယင်းဂေါင်းခင်နတ်သားစာ အိပ်မက်မှာ သူ့ကို ပြောလီရေ၊
“ဒါဝိဒ်မင်း၏ အမျိုးအနွယ်သား ယောသပ်၊ နှင့်
မာရီကို မယားအဖြစ် လက်ခံဖို့စာကို
မကြောက်ကေ့!”



“အကြောင်းကား သူ့အဝမ်းမှာ တည်စာကိုယ်ဝန်စာ
သန်ရှင်းသောဝိညာဉ်တော်၏ တန်ခိုးနု တည်စာ
ဖြစ်တေ။ သူ့မှာ သားယောက်ျား တစ်ယောက်
မွီးဖွားလိမည်။ နင် ယင်းသားကို ယေရှု ဟို့
နာမည် မှည့်လီ၊ အကြောင်းကား သူ့စာ
ကိုယ့်လူရိုကို သူရိုအပြစ်က



ကယ်တင်လိမည်။”



ယောသပ်စာ အိပ်ရာက နိုးရို့ထရေခါ အသျှင်၏
ဂေါင်းခင်နတ်သား မှာခရေအတိုင်း လုပ်လီရေ။ သူစာ
မာရီကို မယားအဖြစ် လက်ခံလီရေ။

ယေကေလည်း သူစာ သားဦး မမွီးဖွားသကြား
မာရီန မပေါင်းဖော်တိုင်း နီလီရေ။ သူစာ သား
မွီးဖွားရေခါ ယေရှု ဟို့



နာမည် မှည့်လီရေ။



ယင်းအချိန်ခါ ရောမကောရာဇ်မင်း ကဲသာဩဂုတ္တုစာ

ကိုယ်အုပ်ချုပ်စာ ဟိသမ္မာ

ပြည်သားရို့ကို နာမည်-စာရင်း

သွင်းဖို့အတွက်



အာဏာချလီရေ။



ယင်းခါ ဟိသမ္မု လူရိုစာ နာမည်-စာရင်း သွင်းဖို့အတွက်
ကိုယ့်ပြည် ကိုယ့်ရွာတိတို့
လားကတ်လီရေ။ ယောသပ်စာ
ခိုက်ဟောင်းက



ဒါဝိဒ်မင်း၏ အမျိုးအနွယ်သား ဖြစ်တော။



ယင်းအတွက်န သူစာ ဂါလိလဲပြည်နယ် နာဇရက်မြို့သို့သွားကန်ရို၊
ဒါဝိဒ်မင်း၏ မွီးဖွားရာ
ယုဒပြည်နယ် ဗက်လင်မြို့တို့
လားလီရေ။



ယောသပ်စာ ကိုယ်နု နှစ်ပိုစကားဟိစာ မယားသျှာ မာရိကို
ယူရီ၊ နာမည်-စာရင်း
သွင်းဖို့အတွက် လားလီရေ။



ယင်းခါ မာရိမာ
ကိုယ်ဝန်တည်ရှိ၊ ဟိလီရေ
အရာ သူ့ရှိ၊ နှစ်ယောက်စုံ
ဗက်လင်မြို့မှာ
ဟိနိုစဉ် မာရိမာ



သားမွီးဖွားဖို့အချိန်
စိလာလီရေ။



ယင်းနေရာမှာ သူ့စာ သားဦးကို မွီးဖွားလီရေ အရာ သူ့စာ
ထိုသားသွေ့ကို အဝတ်ရိုက်ရို့
နွားစာလောင်းဖျိုင်းမာ . . .



... သိပ်ထားလီရေ၊ အကြောင်းကား ထိုမြို့မှာ သူရိုအတွက်
ညှော်သေ တည်းခိုဖို့စာအခန့်
အလပ် မဟိလီဗျာ။



သိုးဆိတ်ကျောင်းသားရို့စာ ဗက်လင်မြို့ပြင်က
တလင်းတစ်ခုမှာ ကိုယ်ရို့ သိုးဆိတ်တို့ကို

စောင့်ရို့
ဟိကတ်လီရေ။



ယင်းအချိန်ခါ အသျှင်၏ ဂေါင်းခင်နတ်သားတစ်ပါး
ဗြုန်းခနိုင်းပျင်ရို့ သူရို့ ရှိက ပေါ်လာလီရေ။



ယင်းခါ အသျှင်၏ ဘုန်းရောင်ခြေတော်စာ သူရို၊
လေးဖက်လက်စီမာ ထွန်းတောက်လီရေ။

ယင်းသျှင်ကို
မြင်ရို၊ သူရိုစာ
ကောင်းကောင်း

ကြောက်ကတ်လီရေ။



ဂေါင်းခင်နတ်သားစာ သူရိုကို ပြောလီရေ၊ "မကြောက်ကတ်ကော့၊
အကြောင်းကား ငါ နင်ရိုတို့ ကောင်းကောင်း



ဝမ်းမြောင့်ဖွယ်ရာ
သတင်းတစ်ခု
ယူလာရေ။"



“ဒေ ဝမ်းမြောင့်ဖွယ်ရာ သတင်းစာ ဟိသမျှ လူ့ရှိအတွက်
ဖြစ်တော။ ဒေနိခါ ဒါဝိဒ်မင်း၏ မြို့မာ

နင်ရှိအတွက်



ကယ်တင်သျှင်တစ်ပါး

မီးဖွားဗျာ။”



“သူစာ အသျှင်ခရစ်တော် ဖြစ်တော။ ငါ့စကား မှန်ရေဆိုတာကို
နင်ရို့အတွက် အမှတ်တရ ဖြစ်တောကား၊ . . .”



“နို့စို့သျှုတစ်ယောက်ကို အဝတ်ရိုက်ရို့ နွားစာလောင်းဖျိုင်းမာ
သိပ်ထားစာကို နှင်ရို့ မြင်ရကတ်လိမည်။”



ယင်းအချိန်ခါ ဗြုန်းခနိုင်းပျင်ရို့
ထိုဂေါင်းခင်နတ်သားနအတူ အရာလည်း



ဂေါင်းခင်နတ်သား
အများကြီး . . .



... ပေါ်လာကတ်လီရေ။ သူရိုစာ ထာဝရဘုရားကို
ချီမွမ်းကတ်လီရေ။ “ဂေါင်းခင်ဘုံသျှင်



ထာဝရဘုရား၏
ဘုန်းကြီးပါစီ။ . . .”



“... ကမ္ဘာမှာ ထာဝရဘုရား၏ နှစ်သက်ခြင်းကို
ခံရသူရို့ဘားမှာ ငြိမ်းချမ်းခြင်း



ကျရောက်ပါစို့။”



ဂေါင်းခင်နတ်သားရို့ ဂေါင်းခင်ဘုံတို့ တက်လားခပြီးရေနောက်
သိုးဆိတ်ကျောင်းသားရို့စာ ကိုယ်ရို့အချင်းချင်း
ပြောကတ်လီရေ... .



... “လား၊ ငါရို့ ဗက်လင်မြို့တို့ လားကတ်မည်၊
အသျှင် ငါရို့ဘားမာ ပြောပြခစာ ဖြစ်ပျက်ခြင်း
အကြောင်းတို့ကို ကြည့်ကတ်မည်။”



ယင်းခါ သူရိုစာ အယင်အမြန် လားခပြီးကေ မာရိ၊ ယောသပ်
အရာ အဝတ်ရိုက်ရို၊ နွားစာလောင်းဖျိုင်းမာ သိပ်ထားစာ
အသျှေကို တွံကတ်လီရေ။



သူရိံစာ အသျှေကို တွံကတ်တေခါ အသျှေ
အကြောင်းနပတ်သပ်ရိံ ကိုယ်ရိံ ကြားခစာ
အကြောင်းအရာတိကို လူရိံဘားမာ ပြောပြကတ်လီရေ။



ဟေရုဒ်မင်းလက်ထက်ခါ ယုဒပြည်နယ်
ဗက်လင်မြို့မှာ အသျှင်ယေရှု
မီးဖွားလီရေ။ ယင်းချိန်ခါ အရှိပြည်က
ပညာဟံ



လိုင်းကေယောက် ယေရှုရှလင်မြို့တို့
လာရို့ မီးကတ်လီရေ။ . . .



... "ယုဒလူမျိုးရိုမာ အသစ် မွီးဖွားစာ
မင်း ဇာမာလည်း? အကြောင်းကား
အရှိပြည် ဂေါင်းခင်မာ သူ၏ ကြယ်ကို
မြင်ရို့ အကျွန်ရို့



သူကို ရိုခိုးပူဇော်ဖို့အတွက်
လာကတ်စာ ဖြစ်ပါရေ။"



ယင်းခါ ဟောရဒ်မင်းစာ
ထိုပညာဟိရို့ကို အထဲမာအထဲ
ခေါ် ရို့ကြယ်ကို အတိကျ
ဇာအချိန်မာ မြင်လီရေလည်း
ဆိုပြီးကေ မီးကြည့်လီရေ။



ယင်းနောက် သူစာ
ထိုပညာဟိရိုကို ဒေပိုင်
ပြောရို ဗက်လင်မြို့တို့
ရွတ်လိုက်လီရေ၊ “ကိုယ်ဘင်ရို၊
လားရို ယင်းအသျှေကို အလှပ
ရှာကြည့်ခီကတ်။”



“ယင်းအသျှေ့ကို အလှပ
ရှာကြည့်ခိုကတ်။ ယင်းနောက်
အသျှေ့ကို ရှာရို့ တို့ရေခါ
ငါ့ကို ပြောခလိုက်ကတ်။
ငါလည်းသောက်
ယင်းအသျှေ့ကို
ရိုခိုးပူဇော်ချင်ရေ။”



ယင်းခါ ထိုပညာဟိရို့စာ ဟေရုဒ်မင်း စကားအတိုင်း

လားခကတ်လီရေ။ အရိုပြည် ဂေါင်းခင်မာ

သူရို့မြင်လီကတ်စာ ကြယ်စာ သူရို့

ရိုက ရိုက လားလီရေ အရာ

ယင်းကြယ်စာ

အသျှေဟိစာ

အိမ်တတည့် တန့်လီရေ။



အရာ သူရိုစာ ယင်းအသျှေကို သူ့အမိ မာရီရင်ခွင်မှာ
မြင်ရကတ်လီရေ။ ယင်းခါ သူရိုစာ

ဒူးထောက်ရို့ ယင်းအသျှေကို
ရိုခိုးကတ်လီရေ အရာ ကိုယ်ရို့မှာ

ပါလတ်စာ တိုက်တာကို
ဖွင့်ရို့ ရှေ့ တန်ဖိုးဟိစာ
လောဗန်ဆီ အရာ
ရိုမိုးဆီကို ...



လက်ဆောင် ပီးကတ်လီရေ။ ယင်းနောက် ဟေရုဒ်မင်းတို့ ပြန်ရို့၊
မလားဖို့အတွက် ထာဝရဘုရားစာ သူရို့ကို အိပ်မက်မာ
သတိပီးလီရေ။ ယင်းခါ သူရို့စာ
အခြားတစ်လမ်းက လှည့်ရို့၊
ကိုယ်ရို့ပြည်တို့
ပြန်လားခကတ်လီရေ။



ထိုပညာဟိရို၊
ပြန်လားခပြီးရေနောက် အသျှင်၏
ဂေါင်းခင်နတ်သားစာ
ယောသပ်ကို အိပ်မက်မာ
လာရို့ ပြောလီရေ၊
“ယောသပ် ထ! အသျှေန

မယားကို ယူရို့ အီဂျစ်ပြည်တို့
ထွက်ပြီးလီ အရာ ငါ . . .”



“... မပြောသကြားကို ယင်းမာ
နီလီ၊ အကြောင်းကား
ယင်းအသျှေကို
အသိသတ်ဖို့အတွက်
ဟေရုဒ်မင်း ရှာလိမည်။”



ယင်းခါ ယောသပ်စာ ထရို့
အသျှေန မယားကို ယူပြီးကေ
ယင်းနိ ညဉ့်ချင်း အီဂျစ်ပြည်တို့
ထွက်ပြီးလားခလီရေ။ အရာ
သူစာ ဟေရုဒ်မင်း
မသီသကြား ယင်းပြည်မာ



နီလီရေ။





ဘုရားသတင်းပို့သူရိုကနီရို၊
အသျှင် ဟောပြောလီစာ
စကားတိ ပြည့်စုံဖို့အတွက် ဒေပိုင်
ဖြစ်ပျက်လာလီရေ။
အသျှင်စာ ပြောလီရေ၊ “ငါစာ
ကိုယ့်သားကို အီဂျစ်ပြည်က



ခေါ်ယူခလီရေ။”





ဟေရုဒ်မင်းစာ ထိုပညာဟိရို၊
လိမ်ဘိုက်ခစာကို သိရေခါ
ကောင်းကောင်း မန်ပါလီရေ။



အရာ သူစာ ထိုပညာဟိရိုက
သိထားလိုက်စာ အချိန်ကို
ကိုက်ရို ဗက်လင်မြို့န
ယင်းအပါးနိန်းဝန်းကျင်မာ



... ဟိကတ်စာ နှစ်နှစ်သားသျှေရိန်
ယင်းထက်သျှေစာ သားသျှေရိန်ကို
အသိသတ်ဖို့ အာဏာချလီရေ။





ဟောရုဒ်မင်း သီလားခပြီးရေနောက်
 အသျှင်၏ ဂေါင်းခင်နတ်သားစာ
 အီဂျစ်ပြည်တို့ လာရို့ ယောသပ်ကို
 အိပ်မက်မာ ပြောလီရေ၊
 "ယောသပ် ထ! နင့် အသျှေ့န
 မယားကို ယူရို့။"

ဣသရေလပြည်တို့
 ပြန်လားလီဖိ။"



“ဒေ အညွှန်ကို အသိသတ်ဖို့
ကြည့်လီသုရို့
သီလားခကတ်ပျာ။”



ယေကောလည်း ကိုယ့်အဖ
ဟောရုဒ်တက်စား
မင်းအဖြစ်




သားအာခေလစာ
ယုဒပြည်နယ်ကို အုပ်စိုးနိုင်ရေးဆိုတာကို
ယောသပ်စာ ကြားရုံ ယုဒပြည်နယ်တို့
လားဖို့ ကြောက်လီရေ။



ယင်းနောက် သူစာ အိပ်မက်မှာ

ထာဝရဘုရားက

အာဏာရရေအတိုင်း



ဂါလိလဲပြည်နယ်တို့

လားခလီရေ၊ အရာ သူရှိစာ

နာဇရက်နာမည်န မြို့သျှတစ်မြို့မှာ နိထိုင်ကတ်လီရေ။



ကျမ်းစာမှာ "လူရို သူ့ကို
နာဇရက်မြို့သွေ့သား ဟို့
ခေါ်ကတ်လိမည်"
ဆိုပြီးကေ



ယေရှု အကြောင်းကို
ဘုရားသတင်းပို့သူရို ပြောခကတ်စာ
စကားစာ ပြည့်စုံလာလီရေ။



ထာဝရဘုရားစာ လောကသားရို့ကို
ကောင်းကောင်း ချစ်လီရေ။ ယင်းအတွက်န
သူစာ ကိုယ့်မှာဟိစာ တစ်ပါးတည်း
သားတော်ကို ဒေ လောကတို့
ရွတ်လိုက်လီရေ။ . . .



... အကြောင်းကား သားတော်ကို
ကျံ့သုရိစာ ပျက်စီးခြင်းတို့ မရောက်ဘိုင်းန
ထာဝရအသက်ကို ရကတ်ပတ်စီအတွက်
ဖြစ်တေ။



ရောမ 3:23 အကြောင်းကား အားကုံးသူ အပြစ် လုပ်နီကတ်ပျာ အရာ
ထာဝရဘုရား၏ ဘုန်းတန်ခိုးန ဝီးလားခကတ်ပျာ။

ရောမ 6:23 အကြောင်းကား အပြစ်၏ အကျိုးကား သီခြင်းတရား
ဖြစ်တေ၊ ယေကေလည်း ထာဝရဘုရားစာ ငါရို့မာ
အသျှင်ခရစ်တော်ယေရှုကနီရို့ အခမဲ့ ထာဝရအသက်ကို ပီးရေ။

ဟေဗြဲ 9:27 လူတိုင်း တစ်ခေါက် သီရကတ်ဖို့၊ ယင်းနောက်
ထာဝရဘုရားဘားမာ တရားစစ်ဆေးခြင်းကို ခံရကတ်ဖို့။



ဧဖက် 2:8,9 နင်ရိုစာ ထာဝရဘုရား၏ သနားကြင်နာခြင်း
အကြောင်းန ကျုံ့ခြင်းတရားကနီရို ကယ်တင်ခြင်းကို ရကတ်လီရေ။
ယေကေလည်း နင်ရို ကောင်းမှုကုသိုလ် အကြောင်းန ရလီကတ်စာ
မဟုတ်။ ယင်းထက်ပင် ထာဝရဘုရား၏ အခမဲ့ လက်ဆောင်အဖြစ်
ရလီကတ်စာ ဖြစ်တေ။ နင်ရို ကောင်းမှုကုသိုလ် အကျိုးအဖြစ်
ကယ်တင်ခြင်းကို ရလီကတ်စာ မဟုတ်။ ယင်းအတွက်န ကိုယ်ရို
ကောင်းမှုကုသိုလ် အကြောင်းန ကယ်တင်ခြင်းကို ရရေ ဟို
တစ်ယောက်လည်း ဘော်ကြော့ကြင်းဖို့ ရကတ်လီမည် မဟုတ်။



ရောမ 10:9,10 ထိုစကားတော် ဖြစ်တေကား ဒေပိုင်၊ နင်စာ
ယေရှုကို အသျှင် ဖြစ်တေ ဟို့ နင့်ပစန ဝန်ခံရေဆိုကေ အရာ
ထာဝရဘုရားစာ ယေရှုကို သီရာက ပြန်ရှင်ထမြောင့်စီလီရေ ဟို့ နင့်
စိတ်နှလုံးမာ ကျုံ့ရေဆိုကေ နင် ကယ်တင်ခြင်းကို ရလိမည်၊
အကြောင်းကား စိတ်နှလုံးမာ ကျုံ့ရေအတွက်န ထာဝရဘုရားစာ
လူရို့ကို သူတော်ကောင်းအဖြစ် လက်ခံရေ အရာ ပစန
ဝန်ခံရေအတွက်န ကယ်တင်ခြင်းကို ပီးရေ။



ယောဟန် 3:16,17 "ထာဝရဘုရားစာ လောကသားရှိကို
ကောင်းကောင်း ချစ်လီရေ။ ယင်းအတွက်န သူစာ ကိုယ့်မာဟိစာ
တစ်ပါးတည်း သားတော်ကို ဒေ လောကတို့ ရွတ်လိုက်လီရေ၊
အကြောင်းကား သားတော်ကို ကျုံ့သူရှိစာ ပျက်စီးခြင်းတို့
မရောက်ဘိုင်းန ထာဝရအသက်ကို ရကတ်ပတ်စီအတွက် ဖြစ်တေ။"
ထာဝရဘုရားစာ လောကသားရှိကို အပြစ်တင်ဖို့အတွက်
သားတော်ကို ဒေ လောကတို့ ရွတ်လိုက်လီစာ မဟုတ်။
ယေကေလည်း လောကသားရှိ သားတော်ကနီရှိ ကယ်တင်ခြင်းကို
ရကတ်ပတ်စီအတွက် သားတော်ကို ဒေ လောကတို့
ရွတ်လိုက်လီစာ ဖြစ်တေ။



၁ယောဟန် 5:11-13 ထိုသက်သိ ဖြစ်တေကား ဒေပိုင်၊
ထာဝရဘုရားစာ ငါရို့ကို ထာဝရအသက် ပီးလီရေ အရာ
ထိုထာဝရအသက်စာ ထာဝရဘုရား၏ သားတော်ဘားမာ ဟိရေ။
ယင်းအတွက်န ထာဝရဘုရား၏ သားတော်ကို ရသူစာ
ထာဝရအသက်ကိုလည်း ရပျာ။ ယေကေလည်း ထာဝရဘုရား၏
သားတော်ကို မရသူစာ ထာဝရအသက်ကိုလည်း မရသိ။
နင်ရို့စာ ထာဝရဘုရား၏ သားတော်ကို ကျုံကတ်တေ။ နင်ရို့
ထာဝရအသက်ကို ရကတ်ပျာဆိုစာကို သိကတ်ပတ်စီအတွက် ငါ ဒေ
စာစောင်ကို နင်ရို့တို့ ရို့းလိုက်စာ ဖြစ်တေ။



မာထဲ 1-2; လုကာ 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Marma NT (rmz) ©2023 Wycliffe Bible Translators, Inc.

<https://www.bible.com/en-GB/bible/3652/MAT.1.RMZ>

©2026 Bible for Children, Inc.

www.M1914.org

www.bibleforchildren.org

